



## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt III. Non omnia huius miseræ vitæ mala propter peccatum  
vlcifendum inferri: vbi primùm sententiæ veterum recensentur in speciem  
aduersæ. Primùm ex Augustino.

[urn:nbn:de:hbz:466:1-46059](#)

in illis, quanti facienda esset gloria Christi, iustitiae nobilitas, & æterna salus animarum: ut Apostolos, virofque Apostolicos complures. Ego, inquit, ostédam illi, quanta oporteat pro nomine meo pati. Et idcirco discedentes illi à conspectu concilij, gaudebant vel hoc nomine, quod digni habitu essent, qui pro Christi nomine paterentur. Propterea quoque dictum est, beatos esse qui persecutionem patiatur propter iustitiam. Beatus etiam Gentium Apostolus, Omnia, inquit, sustineo propter electos. & rursum: Adimpleo ea quæ desunt passionum Christi in carne mea, pro corpore eius, quod est Ecclesia. Denique aliquos legimus vitæ huius quibusdam incommodis laborasse, ut ijs soluendis atque liberandis, diuinæ commonstrandæ virtutis oblata esset occasio: ut Lazarum, ut cæcum natu. Nam neque illius infirmitas erat ad mortem, sed ut eo suscitando, illustris omnibus Christi virtus reddetur. hic vero cæcus natus est, non quia peccauerat ipse, vel parentes eius (in quam suspicionem proclivius fermentatur præcepis Iudæorum cogitatio) sed ut eius restitutione & illuminatione mirabili, manifestaretur gloria Dei. Sed hactenus propter quas causas variæ & multiplices huius vitæ miseriae relicta sint, etiam hominibus à peccato liberatis, sufficienter opinor pro instituti ratione docuimus.

*Legatur etiam  
Chrysost. serm.  
10. in epistola  
ad Rom.*

## CAPUT III.

*Non omnia huius miseræ vitæ mala propter peccatum  
vniuersum inferri; ubi primùm sententia veterum  
recensentur in speciem aduersæ. Primùm  
ex Augustino.*

**V**ERVM TAMENTUM quia significatū est, varias esse afflictionum subeundarum causas, excepta consideratione peccati; non abs re fuerit, si hoc loco illam que-

quæstionem attigerimus, quæ aliquando haud paruas  
urbas dedit: omniāne huius miseræ vitæ quæ accidūt  
mala, ad vltionem & vindictam peccati eius cui eue-  
niunt, pertinere dicenda sint. Nam veterum quidem  
eade re sententiæ diuersæ admodum ac propè inter  
se pugnantes videri cuipiam possint. Quæ propterea  
ante omnia in medium nobis proferendæ sunt, vt de  
illis postea iudicari commodiùs possit. Diuus igitur *Libro 2. De*  
*Augustinus, Sint licet homines, inquit, tanta excel-* peccat. meritis & remissione.  
*lentes iustitia, vt ad eos de columna nubis loquatur* cap. 16.  
Deus, qualis Moyses & Aaron in Sacerdotibus eius, *Psal. 98.*  
& Samuel in his qui inuocant nomen eius, cuius ma-  
gnæ laudes pietatis & innocentiae Scriptura veridica  
prædicant ab ineunte pueritia, ex quo eum mater,  
votum soluens, in templo Dei constituit, & seruum  
Domino dedicauit: etiam de talibus tamen scriptum  
est; Tu propitius eras illis, & vindicans in omnes affe-  
ctiones eorum. In filios quippe damnationis vindicat  
iratus; in filios autem gratiæ vindicat propitius; dum  
quem diligit, corripit, & flagellat omnem filium quæ  
recipit. Nulla autem vindicta, nulla correptio, nullum  
Dei flagellum debetur nisi peccato, excepto illo qui  
in flagella paratus est, vt experiretur omnia secundum  
similitudinem sine peccato, vt esset sanctus sanctorum  
sacerdos, interpellans etiam pro sanctis; qui non men-  
daciter etiam quique de se dicant, Dimitte nobis de-  
bita nostra, sicut & nos dimittimus debitoribus no-  
stris. Hæc eo loco. At capite duodecimo eiusdem libri, *Cap. 12.*  
Nonimus, inquit, Iob non propter peccata, sed propter  
eius demonstrandam iustitiam, illa omnia fuisse per-  
pessum. Sed si, vt prius ex eodem Augustino comme-  
moratum est, nullum flagellum debetur, nisi peccato:  
quomodo Iob flagellatus fuerit non propter sua pec-  
cata? quamvis maiorem etiam habeat speciem ad-  
versitatis, quod in ijs Annotationibus, quas in librum

Iob

Iob scriptas reliquit, locis aliquot interpretetur beatum virum dicere se propter sua peccata pati: velut in illa capitum 9. Verè scio quia ita est: Id est, inquit Augustinus, quia secundum iniquitates meas hoc mihi restituit; sed non sicut arbitramini. sed quia nemo est in conspectueius iustus, non respondebunt ei vnum pro mille. Rursum ad illa capitum vigesimi tertij, Et quidem scio quia de manu mea est increpatio: Id est, inquit, de peccatis meis. Et cùm in Eliu verba commentatur, quem dicit à Scriptura commendatū, quia in prophetia locutus sit: Ea ipsa, inquit, quæ patiebatur Iob, verba Dei dicit esse in veritate, & non iniusta: sed ab isto iniustè intelligi existimat, quenam putat conqueri se immerito pati: cùm etiam de iustorum tribulatione dictum sit, Tempus est ut iudicium incipiatur domo Domini. Huius porrò ratione Scripturæ, cui similis illa est secundæ ad Thessalonicenses capite primo, Quas tribulationes sustinetis, in exemplu iusti iudicij Dei: scribit idem Augustinus in inchoatione expositione epistolæ ad Romanos, tantam esse diuinæ iustitiae constantiam, ut cùm pœna spiritualis & sempiterna pœnitenti fuerit relaxata, pressuræ tamen cruciatusque corporales, quibus etiam martyres exercitatores nouimus, postremò mors, quam peccando meruit nostra natura, nulli relaxetur. Ipsa est, inquit, quæ in sacris Scripturis etiam disciplina nominatur, quam nemo iustorum effugere potest. Neminem quippe exceptit, cùm diceret: Quem enim diligit Deus, corrigit, flagellat autem omnem filium quem recipit. Vnde etiam ipse Iob, qui propterea multa passus est, ut hominibus, quis esset vir, & quātus Dei seruus, eluceret, pœnas tamē pro peccatis suis se exsoluere, sæpe testatur. Et rursum in Psalmū 78. Satis ostenditur, inquit, propter peccata hominibus, licet fidelibus, has fieri tribulationes: quamuis hinc florescat martyrum gloria, merito

merito patientiæ, & piè sustentato, in flagello Domini, moderamine disciplinæ. hoc Machabæi inter saeuissima tormenta, hoc tres viri inter noxias flamas, hoc Prophetæ sancti in captiuitate testantur. Sunt & alia quæ Augustinum eiusmodi, quæ studio breuitatis omittimus, ut aliorum quoque Sanctorum sententias citius adiungamus.

## CAPVT IIII.

*Ex Ambroſio.*

**D**I V S igitur Ambrosius de sancto viro Iob verba faciens libro secundo de interpellatione, Intercepabant, inquit, vehementer sanctum Iob, Eliphaz Iob 24 Themaneorum Rex, & Baldach Suitheorum Tyranus, & Sophar Naamatenorum Rex: eo quod propter peccata sua tacum supplicij sustineret. Infirmo etenim ingenio, non aduertebant quod Dominus eum tentandum dedisset, ut athlera Christi temptationibus eruditus, ad maioris gloriæ coronam perueniret. Non videntes igitur tantum sapientiæ sacramentum, angusti cordis timore, ne viderentur iniustiæ Deum arguere, qui pœnis affici innoxium pateretur, in sanctum Iob pœnarum merita retorquebant, dicentes: quia omnis vita impij in solitudine, & diuinitiæ iniuste cōgregatae euementur, omnia quæ patitur homo grauia in terra, propter peccata sua eum perpeti. Rursum libri primi capite quarto, Vnum, inquit, solatij genus est in ærumnâ & in amaritudine constitutis, à culpa vacare: ut ea quæ perpetiuntur aduersa, non pro delicti pretio sustinere videantur, hoc quoque sancto viro adimere gestibat, ut videretur ipse suæ auctoř ærumnæ, qui peccatis grauibus contraxisset offendit, & pro impietati bus suis illa toleraret: describentes impiorum supplicia, qui vitia ferent, & meterent sibi dolores. hęc autem